



Broj: 07-11-869/23
Vogošća, 16.06.2023. godine

Na osnovu člana 70. stav 3. i 72. stav 3. Zakona o javnim nabavkama BiH ("Službeni glasnik BiH" broj: 39/14 i 59/22), i čl. 71. i 125. Statuta Općine Vogošća ("Službene novine Kantona Sarajevo", broj: 27/14, 14/15 i 9/20), Općinski načelnik dana 16.06.2023. godine donio je

**ODLUKU
O IZBORU DRUGORANGIRANOG PONUĐAČA ZA IZVOĐENJE RADOVA NA
VODOSNABDIJEVANJU GORNJIH ZONA NASELJA KRIVOGlavCI I SVRAKE-II FAZA**

Član 1.

Ponuda ponuđača "Mibral" d.o.o. Sarajevo, ulica Srebrenička broj 1. Sarajevo, odabrana je za izvođenje radova na vodosnabdijevanju gornjih zona naselja Krivoglavci i Svrake-II faza, kao drugorangirana ponuda sa Rang liste, sa ponuđenom ukupnom cijenom nabavke u iznosu od 600.000,00 KM bez uračunatog PDV-a, odnosno 702.000,00 KM sa uračunatim PDV-om.

Član 2.

Ovom Odlukom stavlja se van snage Odluka o izboru najpovoljnijeg ponuđača za izvođenje radova na vodosnabdijevanju gornjih zona naselja Krivoglavci i Svrake-II faza broj: 07-11-869/23 od 06.06.2023. godine.

Član 3.

Odluka o izboru drugorangiranog ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 09.05.2023. godine donio Odluku o pokretanju Otvorenog postupka nabavke radova na vodosnabdijevanju gornjih zona naselja Krivoglavci i Svrake-II faza, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 09.05.2023. godine pod brojem: 1353-1-3-83-3-85/23.

Sažetak Obavještenja o nabavci objavljen je u "Službenom glasniku BiH" broj: 33/23 od 12.05.2023. godine.

Nakon provedene Zakonom propisane procedure, te nakon provedene E-aukcije, Općina Vogošća kao ugovorni organ je donijela Odluku o izboru najpovoljnijeg ponuđača broj: 07-11-869/23 od 06.06.2023. godine, kojom je kao najpovoljniju ponudu u Otvorenom postupku nabavke radova na vodosnabdijevanju gornjih zona naselja Krivoglavci i Svrake-II faza ocijenila ponudu ponuđača "Unioninvest" d.d. Sarajevo, kao prvorangiranu sa Rang liste, sa ponuđenom ukupnom cijenom nabavke u iznosu od 599.300,00 KM bez uračunatog PDV-a, odnosno 701.181,00 KM sa uračunatim PDV-om.

Izabrani ponuđač bio je dužan u roku od 5 dana, računajući od dana dostavljanja Odluke o izboru najpovoljnijeg ponuđača, u skladu sa Napomenom 5. iz Obrasca za cijenu ponude (Aneks 2 TD) dostaviti na protokol ugovornog organa zahtjevano certifikate, ateste i kataloge u originalu ili kopiji (obične kopije dokumenata).

Kroz Obavještenje o nabavci je izabranom ponuđaču napomenuto da ukoliko isti u ostavljenom roku ne dostavi tražene dokaze, ugovorni organ će odbaciti njegovu ponudu, a prema odredbama člana 68. stav 1. Zakona o javnim nabavkama BiH.

Krajnji rok za dostavu tražene dokumentacije bio je 12.06.2023. godine, obzirom da je Odluka o izboru najpovoljnijeg ponuđača zajedno sa Obavještenjem o rezultatu postupka javne nabavke i Zapisnikom o pregledu i ocjeni ponuda svim ponuđačima koji su učestvovali u postupku dostavljena dana 06.06.2023. godine.

U ostavljenom roku izabrani ponuđač "Unioninvest" d.d. Sarajevo je dana 08.06.2023. godine kao blagovremenu na protokol ugovornog organa dostavio dokumentaciju traženu Napomenom 5. iz Obrasca za cijenu ponude (Aneks 2 TD).

Komisija za javne nabavke je izvršila pregled dokumentacije dostavljene od strane izabranog ponuđača "Unioninvest" d.d. Sarajevo.

Izabrani ponuđač "Unioninvest" d.d. Sarajevo dostavio je slijedeću dokumentaciju:

- katalog, certifikate i ateste za fazonske komade-iz dostavljene dokumentacije može se zaključiti da isti zadovoljavaju zadane tehničke uslove;
- katalog, certifikate i ateste za daktilne cijevi-iz dostavljene dokumentacije može se zaključiti da isti zadovoljavaju zadane tehničke uslove;
- za ponuđene pumpne agregate za pumpne stanice Krivoglavci I i Krivoglavci II dostavljena je dokumentacija, te priložen dio tehničkih listova za iste.

Za ponuđene pumpne agregate, koji su definisani tenderskom dokumentacijom za pumpnu stanicu Krivoglavci II, ponuđač nije ponudio pumpe specificiranih oznaka predmjerom nego ekvivalent. Obzirom da dostavljeni tehnički listovi ne sadrže potrebne tehničke podatke iz koji je jednoznačno vidljivo da su hidrauličke karakteristike i električne karakteristike ponuđenih vertikalnih centrifugalnih višestepenih pumpnih agregata (Q,H,N,n,...) ekvivalentne traženom tj. da zadovoljavaju tražene karakteristike shodno tenderskoj dokumentaciji, iste se smatraju nepotpunim.

- Za potopnu pumpu, tip:FP 3085~LT3“, dostavljeni su tehnički listovi i certifikati, ali nije dostavljen katalog iz kojeg bi bio vidljiv kataloški broj koji je ponuđač u predmjeru upisao u svojoj ponudi;
- za elektromagnetni mjerac protoka, dostavljeni su traženi certifikati, tipsko odobrenje mjeriteljstva BiH, umjesto predmjerom traženog tipa 3050, dostavljeno za ekvivalent 3300 koji može da se prihvati;
- za Multi joint spojnice dostavljena je tražena dokumentacija-iz dostavljene dokumentacije može se zaključiti da iste zadovoljavaju tražene uslove;
- za MDK komad dostavljeni su katalozi, atesti i certifikati-iz dostavljene dokumentacije može se zaključiti da isti zadovoljavaju tražene uslove;
- za kutni izljevni ventil dostavljeni su katalozi i certifikati ali nije dostavljena originalna garancija ovjerena, potpisana i na memorandumu, od strane proizvođača za nuđene proizvode, minimalno 5. godina kako je traženo tenderskom dokumentacijom (u predmjeru radova), usaglašeno sa tehničkim uslovima KJKP "Vodovod i Kanalizacija" d.o.o. Sarajevo gdje se navodi garantni rok minimalno 5 godina, koji su bili sastavni dio Tenderske dokumentacije;
- za zatvarače dostavljeni su katalozi, atesti i certifikati i za dugu i za kratku izvedbu.

Za kratku izvedbu nije dostavljen certifikat DVGW ili ekvivalent.

- Na stranama 13., 14., 20., 38., 39. i 46. u Ponudi broj: 10-P-17/23 od 30.05.2023. godine ponuđača "Unioninvest" d.d. Sarajevo (Obrazac za cijenu ponude-Aneks 2) navedene su tražene garancije, a koje Ponuđač nije dostavio, također isto je navedeno u Tehničkim uslovima KJKP "Vodovod i Kanalizacija" d.o.o. Sarajevo, koji su bili sastavni dio Tenderske dokumentacije;

- nije dostavljena dokumentacija za brtve, dihtunge i spojni materijal;

- nije dostavljena originalna garancija ovjerena, potpisana i na memorandumu, od strane proizvođača za nuđene proizvode, minimalno 5. godina kako je traženo tenderskom dokumentacijom (u predmjeru radova), usaglašeno sa tehničkim uslovima KJKP "Vodovod i Kanalizacija" d.o.o. Sarajevo, gdje se navodi garantni rok minimalno 5 godina, koji su bili sastavni dio Tenderske dokumentacije.

Shodno gore navedenom, postupajući u skladu sa odredbom člana 68. stav 4. tačka i) i člana 72. stav 3. tačka b) Zakona o javnim nabavkama BiH ("Službeni glasnik BiH", broj 39/14 i 59/22) Komisija za javne nabavke je bila mišljenja da je ponuda ponuđača "Unioninvest" d.d. Sarajevo formalno-pravno neispravna i kao takva nije prihvatljiva za ugovorni organ.

Iz navedenih razloga, a primjenom člana 72. stav 3. Zakona o javnim nabavkama BiH ("Službeni glasnik BiH" broj: 39/14 i 59/22) koji propisuje da "ugovorni organ dostavlja prijedlog ugovora onom ponuđaču čija je ponuda po rang-listi odmah nakon ponude najuspješnijeg ponuđača, u slučaju da najuspješniji ponuđač propusti dostaviti dokumentaciju koja je bila uslov za potpisivanje ugovora, a koju je bio dužan pribaviti u skladu sa propisima u Bosni i Hercegovini", Komisija za javne nabavke je jednoglasno dala preporuku Općinskom načelniku da donese Odluku o izboru drugorangiranog ponuđača i da se ugovor za nabavku radova na vodosnabdijevanju gornjih zona naselja Krivoglavci i Svrake-II faza dodijeli ponuđaču "Mibral" d.o.o. Sarajevo, kao drugorangiranom na Rang listi, sa ponuđenom ukupnom cijenom nabavke u iznosu od 600.000,00 KM bez uračunatog PDV-a, odnosno 702.000,00 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru drugorangiranog ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura



Kontrolisala: Melisa Kršo





Dostavljeno:

1. "Mibral" d.o.o. Sarajevo
2. "Unioninvest" d.d. Sarajevo
3. Nadležnoj Službi
4. U dosije
5. a/a

info@mibral.ba
sanja.saf@unioninvest.net